

〔常陸風土記久慈郡〕自此田郷〇太以北薩都里古有國栖名曰土雲爰兔上命發兵誅滅略〇下

〔釋日本紀述義〕以七掬脛爲膳夫

越後國風土記曰美麻紀天皇神〇崇御世越國有人名八掬脛其脛長八掬多力太其屬類多

〇按ズルニ常陸國風土記ニ古老曰昔在國巢俗語曰都知久母トアルニ據レバ出雲ハ土雲ノ

誤ナルベシ

〔日本書紀神功〕九年〇仲三月丙申轉至山據一本改門縣〇筑則誅土蜘蛛田油津媛

兄夏羽興軍而迎來然聞其妹被誅而逃之

〔日本書紀七〕十二年八月己酉幸筑紫十月到速見邑〇豐有女人曰速津媛爲一處之長其間天

皇車駕而自奉迎之謠言茲山有大石窟曰鼠石窟有二土蜘蛛住其石窟一曰青二曰白又於直入縣

禰疑野有三土蜘蛛一曰打獲二曰八田三曰國摩侶是五人並其爲人強力亦衆類多之皆曰不從皇

命若強喚者興兵距焉天皇惡之不得進行即留于來田見邑權與宮室居之仍與群臣議之曰今多動

兵衆以討土蜘蛛若其畏我兵勢將隱山野必爲後愁則採海石榴樹作椎爲兵因簡猛卒授兵椎以穿

山排草襲石室土蜘蛛而破于稻葉川上悉殺其黨血流至踝〇中復將討打獲徑度禰疑山時賊虜之

矢橫自山射之流於官軍前如雨天皇更返城原而卜於水上便勒兵先擊八田於禰疑野而破爰打獲

謂不可勝而請服然不聽矣皆自投洞谷而死之

〔豐後風土記直入郡〕禰疑野在柏原郷之南

昔者纏向日代宮御宇天皇〇景行幸之時此野有土蜘蛛名曰打獲八田國摩侶等三人天皇親欲伐

此賊在茲野勅歷勞兵衆因謂禰疑野是也

〔豐後風土記日田郡〕石井郷在郷南

昔者此村有土蜘蛛之堡不用石築以土因斯名曰無石堡〇中